



Broj: 01/14-11-5401-6/22
Sarajevo, 09.09.2022. godine

Na osnovu čl.70. Zakona o javnim nabavkama BiH ("Službeni glasnik BiH", broj:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj:34/08-Prečišćeni tekst), gradonačelnica Grada Sarajeva, donosi

O D L U K U
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača „Linden“ d.o.o. Sarajevo, ul Hasana Brkića broj 45/1, broj ponude: 01-09/22 zaprimljena na protokol ugovornog organa dana 08.09.2022.godine, u postupku provođenja javne nabavke putem Pregovaračkog postupka bez objave obavještenja o nabavci za pružanje usluga „Organizacija javnog dočeka Nove 2023. godine u gradu Sarajevu“ sa ponuđenom cijenom za kompletnu organizaciju događaja što uključuje sve tehničke i ljudske resurse u iznosu od 350.000,00 KM bez PDV-a odnosno 409.500,00 KM sa PDV-om.

II

Sa ponuđačem „Linden“ d.o.o. Sarajevo, zaključit će se Ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-11-5401/22 od 29.07.2022. godine, pokrenut je postupak javne nabavke „Organizacija javnog dočeka Nove 2023. godine u gradu Sarajevu“, putem Pregovaračkog postupka bez objave obavještenja o nabavci.

Poziv za dostavljanje Zahtjeva za učešće u Pregovaračkom postupku bez objave obavještenja o nabavci broj: 01/14-11-5401-2/22 od 29.07.2022. godine, upućen je ponuđaču Linden d.o.o. Sarajevo, koji ima **ekskluzivno pravo - PUNOMOĆ** da zastupa muzičku grupu Dubioza kolektiv, kao glavnog izvođača, na dan 31.12.2022. godine, u okviru organizacije javnog dočeka Nove 2023. godine u gradu Sarajevu.

U određenom roku za dostavljanje Zahtjeva za učešće, ponuđač Linden d.o.o. Sarajevo, dostavio je Zahtjev za učešće, zaprimljen na protokol ugovornog organa dana 05.08.2022. godine, protokolisan pod brojem: 14-11-5776/22.

Otvaranje Zahtjeva za učešće izvršeno je na sastanku Komisije za javnu nabavku dana 05.08.2022. godine, imenovane Rješenjem gradonačelnice broj: 01/04-11-419/22 od 18.01.2022. godine i broj: 01/04-11-419-2/22 od 01.02.2022. godine.

Komisija za javnu nabavku izvršila je uvid u Zahtjev za učešće te je utvrdila, da je ponuđač Linden d.o.o. Sarajevo, dostavio svu traženu dokumentaciju u skladu sa uslovima navedenim u tenderskoj dokumentaciji.

Nakon okončanja prve faze Pregovaračkog postupka bez objave obavještenja o nabavci, ugovorni organ je uputio Poziv ponuđaču Linden d.o.o. Sarajevo, za dostavljanje početne cijene ponude i pregovaranje.



Ponuđač Linden d.o.o. Sarajevo, dostavio je dana 11.08.2022. godine početnu ponudu, protokolisanu pod brojem: 14-11-5864/22.

Komisija za javnu nabavku izvršila je otvaranje početne ponude dana 11.08.2022. godine, te je utvrdila da cijena početne ponude za Organizaciju javnog dočeka Nove 2023. godine u gradu Sarajevu iznosi 350.000,00 KM bez PDV-a.

Nakon otvaranja početnih ponuda pristupilo se pregovaranju sa predstavnikom ponuđača.

Nakon obavljenih pregovora sa predstavnikom ponuđača usaglašeno je da ponuđač preuzima obavezu da obezbijedi tehničku opremu, postavljanje bine i scenografiju, fizičko obezbjeđenje događaja, organizaciju vatrometa, pokretne toalete, da je glavni izvođač Dubioza kolektiv te da dostavi konačnu ponudu gdje će ponuđač u okviru dostavljene cijene pružiti usluge nastupa Disko Bajagi kao prednastup bendu Dubioza kolektiv i da će pružiti usluge osiguranja imovine i lica (premija osiguranja od 2.000,00 KM).

Također usaglašeno je da će eventualne sponzorske ugovore preuzeti Grad Sarajevo.

Ponuđač je dana 08.09.2022. godine dostavio konačnu ponudu protoklisanu pod brojem: 14-11-6227/22 sa ponuđenom cijenom od 350.000,00 KM bez PDV-a odnosno 409.500,00 KM sa PDV-om.

Komisija za javnu nabavku je dana 09.09.2022. godine, sačinila Zapisnik o ocjeni ponuda i dala preporuku gradonačelnici da se ugovor o pružanju usluga „Organizacija javnog dočeka Nove 2023. godine u gradu Sarajevu“ dodjeli ponuđaču Linden d.o.o. Sarajevo, sa ponuđenom cijenom u iznosu od 350.000,00 KM bez PDV-a odnosno 409.500,00 KM sa PDV-om.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno odredbama člana 21. tačka c) Zakona o javnim nabavkama BiH, gradonačelnica Grada Sarajeva je prihvatila preporuku Komisije na osnovu koje je donesena ova odluka.

POUKA O PRAVNOM LIJEKU: Protiv ove odluke može se uputiti žalba ugovornom organu u pismenoj formi u roku od deset (10) dana od dana prijema iste.

Gradonačelnica

Doc.dr. Benjamina Karić

- Ponuđaču
- a/a